

二時臨齋儀

讚佛〈讚佛偈〉

天上天下無如佛。十方世界亦無比。
世間所有我盡見。一切無有如佛者。

獻佛供養〈念供養〉

供養清淨法身毗盧遮那佛。

圓滿報身盧舍那佛。

千百億化身釋迦牟尼佛。

東方藥師琉璃光王佛。

西方極樂世界阿彌陀佛。

當來下生彌勒尊佛。

十方法界一切諸佛。

大智文殊師利菩薩。

大悲觀世音菩薩。

大行普賢菩薩。

大願地藏菩薩。

諸尊菩薩摩訶薩。

摩訶般若波羅蜜。

〈飯食偈〉〈早齋備粥時唱誦，若非同午齋〉

〈午齋〉

粥有十利。饒益行人。

果報無邊。究竟常樂。

若飯食時。當願眾生。

禪悅為食。法喜充滿。

三德六味。供佛及僧。

法界有情。普同供養。

若飯食時。當願眾生。

禪悅為食。法喜充滿。

作觀默想 〈食存五觀〉

計功多少 量彼來處
忖己德行 全缺應供
防心離過 貪等為宗
正事良藥 為療形枯
為成道業 應受此食

結齋

〈發願偈〉

願·佛·垂·加·護·
令·滅·顛·倒·想·
早·悟·真·如·心·
速·證·無·上·道·

〈結齋偈〉

飯·食·已·訖·
當·願·眾·生·
所·作·皆·辦·
具·諸·佛·法·